

Ngerchebal




The Lice Eggs Island

Milluches er a Cheldechoduch a Lucia Tabelual
Uluusunga a Jaelee Oiblai Pedro
December 2011

Ng ngarngii a chimong el iungs el ngar er Belau el diak a delengchokl er ngii eleng diak a dellomel er ngii. Tia el iungs a lomekedong er ngii el kmo Ngerchebal. A tang er a klebesei ea tang el buik er a Aimeliik a dilengchokl er btelul e omes el bedul a Ngerchebal. Ng ko er a kma el mlo mekngetei a rengul er tia el iungs el di bechachau meng omdesuang el kmo a bok delemii a chimong el lius eng locha sebechel el morngii a a techelel delengchokl er tiang el iungs.



A **kot** el klebesei e ngikang el buik a mocha nguu a **chimong** el lius el mo dolmii er tiang el iungs.




A chisel ngikang el buik a kmal mle mereched el lobriid mea bo el kukuk el **longerung** er a klebesei ea **reterung** el buik er a Ngatbang a mocha dualm a **teblong** el imekurs er tia el iungs. A chisir tirkang el buik a kmal lemereched lobriid el mor er a ike el rokui el renged er a chochalechutem.



Mea **bolongedei** er a klebesei ea **tedei** el buik er a Ngeremlengui a mocha dualm a **kldei** el titiml er tia el iungs.



A kuk bol kukuk el mocha **ongeuang** er a klebesei ea **teuang** el buik er a Ngardmau a mocha dualm a **kloang** el kemim er tia el iungs.



A bolongeim el klebesei ea teim el buik er a Ngarchelong a mocha dualm a kleim el meskebesang.




Akuk bol kukuk el mocha ongelolem el klebesei ea tellolem el buik er a Ngaraard a mocha dualm a kllolem el riamel er tia el iungs.



Ea bolonguid er klebesei ea teuid el buik er a Ngiwal a mocha dualm a kleuid el meduu.



Ea bolongai er a klebesei ea teai el buik er a Melkeok a mocha dualm a kleai el keam.



Ea bocha longetiu el klebesei ea tetiu el buik er a a Ngchesar mo dualm a kltiu el kerekur er tia el iungs.



Ea kuk bocha longeteruich er a klebesei ea teruich el buik er a Airai a mlo dualm a tacher el rebotel er Ngerchebal.

Chelechang e tia el Ngerchebal a kmal klebokel el beluu el betok a dellomel er ngii. Tirkang el teruich el buik a kmal mle ungil a uldesiur el mlo sebechir el dualm a dellomel er tia el iungs me chelechang e tir el rokui a kiei er tia el iungs e meridem a a kelir er aikang el dellomel el lulalem. Te dirrek el lolterau a redechel a delmelir el me er a Oreor.

Ker el kirel a cheldecheduc:

1. What is the lesson you learn from the story?
2. Ngera suobel el om nguu er tia el cheldecheduc?
3. How many states are in Babeldaob?
4. Ngtele ildisel aike el rokui el renged (beluu) er a chochalechutem (babeldaob)?
5. What things are being counted in the story?
6. Ngerang a domechur er tia el cheldecheduc?
7. How are they counted differently in Palauan and English?
8. Ngmkerang a domechur er Belau a le ngodech er a domechur er a Ngebard?
9. What or who are being counted?
10. Ngerang me a ruatechang a domechur?